

Mo Aiga ASD ma le Aufaigaluega,

Ona o tulaga lē mai iloa, ou te fa'apea atu o le ā sūia e le Itūmālo o A'oga a Anchorage (ASD), e tu'u atu ile malamalama o matua le faitalia o le faia o ūfimata mo tamaiti a'oga, ma le faitalia o tagata matutua ile faia o ūfimata i fale-a'oga ma fale-faigaluega. O lenei suiga ile itūmālo o le ā fa'ataunu'u ile Aso Gafua, Fepuari 28. Ua o'o ile taimi e fai ai lenei suiga auā tatou fanau a'oga.

I le avea ai ma se faia'oga o galuega, ou te malamalama ile tāua tele o le taula'i atu o le malosi o le Itūmālo ile a'oa'oina o fanau a'oga. Ou te talitonu o le fa'aaauaina pea o ūfimata e lē ose fuaōgatasi ma e a'afia ai a'oa'oga a fanau a'oga, atina'eina o le mafaufau, ma le soifua manuia o fa'alagona. O matā'upu ile KŌVITI-19 ile Setete o Alaska (SOA), Municipality of Anchorage (MOA), ma le ASD ua vave ona fa'aitiitia. O le malamalama atoa o le KŌVITI-19 ma le iai o tui ma togafitiga e tele ua mafai ai ona toe fo'i i tulaga masani i totonu o potua'oga.

O le lua tausaga ua tuana'i ose lu'itau mo tagata uma ma o lo'o taumafai le Itūmālo e tali atu i mana'oga a le a'uufaigaluega ma fanau a'oga. Ou te lagolagoina le fa'atumauina uma o isi faiga fa'aitiitia ma taualumaga e mafai ai ona matou toe tatalaina a'oga ma fa'aaauau pea ona tatala ile taimi o lo'o pepesi ai le fa'ama'i o le Omicron. Ua sauni le Itūmālo e tu'uina atu su'ega PCR i tagata faigaluega ma fanau a'oga e o'o atu ile fa'aiuga o le tausaga a'oga. O le matou [itulau KŌVITI-19](#) o lo'o aofia ai le [fa'asologa](#) o lenei tausaga ma o lo'o fa'amatala atu ai oto'otoga ma la'asaga uma.

Ou te fia fa'aī'u ile agaga fa'afetai i tagata uma mo lō outou alofa tunoa ma le lagolago faifaipea o a'oa'oga. I le fa'atagaina o filifiliga mo ūfimata, o le ā mafai ai e le a'uufaigaluega a le ASD, matua, ma fanau a'oga ona sili atu le taula'i ile a'oa'oina. Sa tau 'aveina e tamaiti se avega e le masani ai ile taimi o le fa'ama'i, ma ua o'o ile taimi e toe taula'i ai i fa'amoemoega ma lā tatou misiona o le *a'oa'oina o fanau a'oga uma mo le manuia i latou olaga.*

Ma le Fa'aaloalo lava,

Deena Bishop, Ed.D.

Pule Sili

[Link to the English version](#)